

Forward Exam yuav xeeb thaum twg?

Forward Exam yuav muaj nyob hauv rau hauv cov tsev kawm ntawv thaum Lub Peb Hlis Ntuj Tim 22 thiab Lub Tsib Hlis Ntuj Tim 14, 2021. Tso cai rau cov tsev kawm ntawv xaiv lawv cov hnub xeeb ntawv ntawm lawv tus kheej tau nyob rau hauv lub ncuas sij hawm uas hais los saum toj no.

Yuav tau txais cov hom qhab nias twg?

Forward Exam yog ib qho kev ntaus nqi xyuas yam sua yuav kiag lub ntsiab uas muab cov ntaub ntawv txog yam uas cov tub ntxhais kawm paub thiab tuaj yeem ua tau uas cuam tshuam txog rau Wisconsin Cov Niam Qauv txog Kev Kawm Ntawv. Cov tub ntxhais kawm yuav tau txais tus qhab nias raws li qhov lawv ua tau zoo rau txhua suam ntsiab lus. Txhua tus qhab nias yuav poob mus rau ib ntawm plaub theem no:

- **Theem Zoo Heev Lawm** – Tus tub ntxhais kawm nthuav tawm kev nkag siab **txhij txhua** txog ntawm thiab muaj peev xwm los mus siv qhov kev txawj ntse thiab tej qauv tes rau lawv theem qib kawm ntawv uas cuam tshuam nrog kev npaj txhij-ntim txhua rau tsev kawm ntawv qib siab.
- **Theem Kawm Ntawv Tau Zoo** – Tus tub ntxhais kawm nthuav tawm kev nkag siab **zoo txaus** txog ntawm thiab muaj peev xwm los mus siv qhov kev txawj ntse thiab tej qauv tes rau lawv theem qib kawm ntawv uas cuam tshuam nrog kev npaj txhij-ntim txhua rau tsev kawm ntawv qib siab.
- **Theem Kawm Ntawv Tau Rau Qib Pib** – Tus tub ntxhais kawm nthuav tawm kev nkag siab **qee feem** txog ntawm thiab muaj peev xwm los mus siv qhov kev txawj ntse thiab tej qauv tes rau lawv theem qib kawm ntawv uas cuam tshuam nrog kev npaj txhij-ntim txhua rau tsev kawm ntawv qib siab.
- **Theem Kawm Ntawv Tau Qis Dua Qib Pib** – Tus tub ntxhais kawm nthuav kev nkag siab **tsawg heev** txog ntawm thiab muaj peev xwm los mus siv qhov kev txawj ntse thiab tej qauv tes rau lawv theem qib kawm ntawv uas cuam tshuam nrog kev npaj txhij-ntim txhua rau tsev kawm ntawv qib siab.

Kuv tuaj yeem nrhiav cov lus nug rau kev xeeb piv txwv los sis xyaum xeeb nyob rau qhov twg?

Cov qauv Online Tools Training (OTT) thiab xyaum ua muaj rau cov tub ntxhais kawm ntawm <http://dpi.wi.gov/assessment/forward/sample-items>. OTT muab lub tsam thawj rau cov tub ntxhais kawm los xyaum kev siv cov cuab yeej uas muaj ntawm Forward Exam, nrog rau yuav ua rau lawv xyaum kom lawv tus kheej swm nrog lub nrog khiav hauj lwm (platform) rau qhov kev xeeb. Item Samplers suav muaj ib qho qauv piv txwv ntawm hom ntsiab lus thiab tshooj lus uas cov tub ntxhais kawm ntawv yuav tau ntsiab nyob rau hauv qhov kev xeeb ntawv. Yuav tsis muab qhab nia rau OTT thiab Item Samplers, thiab yuav tsis muaj cov ntsiab lus tag nrho txhua yam nyob rau hauv qhov kev xeeb ntawv. Cov no yog txhob txwm los muab cov piv txwv ntawm cov tshooj lus thiab muab rau cov tub ntxhais xyaum ua kev xeeb nyob hauv online.

Yog xav paub cov lus qhia paub ntxiv tiv toj rau Office of Educational Accountability ntawm osamail@dpi.wi.gov.



dpi.wi.gov/assessment/forward

August 2020

The Wisconsin Department of Public Instruction does not discriminate on the basis of sex, race, color, religion, creed, age, national origin, ancestry, pregnancy, marital status or parental status, sexual orientation, or ability and provides equal access to the Boy Scouts of America and other designated youth groups.



Wisconsin Forward Exam

Lus Qhia Paub rau Cov Yim Neeg 2020-21





Wisconsin Forward Exam yog dab tsi?

Wisconsin Forward Exam raug tsim ua qauv los mus ntsuas saib seb cov tub ntxhais kawm kawm tau zoo npaum li cas uas muaj feem cuam tshuam txog rau Wisconsin Cov Niam Qauv Txog Kev Kawm Ntawv. Cov qauv no teev txog yam uas cov tub ntxhais kawm ntawv tsim nyog yuav tsum tau paub thiab muaj peev xwm ua tau txhawm rau kom muaj kev npaj txhaj rau tsev kawm ntawv qib siab thiab txoj hauj lwj. Forward Exam raug ua nyob hauv online nyob rau lub caij nplooj ntoo hlav ntawm txhua xyoo kawm ntawv rau:

- qib 3-8 nyob rau txuj ci lus Askiv (ELA) thiab kev kawm lej,
- qib 4-8 nyob rau txuj ci tshawb fawb qhov tseeb thiab,
- qib 4-8 thiab 10 nyob rau kev kawm paub txog kev ua neej nyob koom txoos.

Forward Exam muaj ntau hom lus nug xws li:

- **Muaj Ntau Lo Lus Teb Sib Txawv Rau Xaiv (MC)**
Hom lus nug uas muaj txog plaub nqe lus teb, uas muaj peb nqe lus teb uas yuam kev thiab ib nqe lus teb uas raug.
- **Teb Yam Xaiv Tau Tau Ntau Qhov (ESR)**
Hom lus nug uas tej zaum kuj muaj cov lus nug-teb MC, lus teb-luv-luv, thiab lus nug-teb raws kev nkag siab zoo fab tev naus laus zis sib xyaws ua ke.
- **Teb Yam Xaiv Raws Li Pov Thawj Uas Muaj (EBSR)**
Hom lus nug uas muaj ob sab. Tus tub ntxhais kawm teb Sab A tag, ces nws mus muab pov thawj hauv Sab B los mus pab txhawb nqa lo lus teb nyob hauv Sab A.
- **Tshawb Fawb Lo Lus Nyob Teb Hauv Cov Ntawv Uas Muab Los (TDA)**
Hom lus nug uas raug siv nyob rau kev xeeb ELA. TDA yog kev tshawb lo lus teb nyob hauv cov ntawv uas muab los, raws zaj lus uas cov tub ntxhais kawm yuav tsum tau nyeem nyob rau lub sijhawm ua qhov kev ntaus nqi. Txhawm rau txim kho kom muaj kev nkag siab deb dav, sau kom tau cov lus teb puag ncig, cov tub ntxhais kawm yuav tsum tau siv tus qauv tes kev sau ntawv yam yooj yim thaum sijhawm los sau cov ntaub ntawv sua ntsiab lus thiab muab coj los sib dhos los ntawm zaj lus. Cov tub ntxhais kawm sau cov niam ntawv tau siab kawg nkaus txog 5000 tus los mus ua nws cov lus teb.
- **Kev Siv Tev Naus Laus Zis Los Pab (TE)**
TE cov lus nug ua kom qhov kev ntaus nqi muaj kev sib koom tes thiab sib cuam tshuam ntau dua qub tuaj. Muaj ntau hom deb dav ntawm TE cov lus nug nyob rau hauv Forward Exam uas xam muaj:
 - Kos Rau Hauv Lub Moos (Clock Input)
 - Kos Ua Ces Kaum (Angle Draw)
 - Teb Yam Luv-Luv Tsawg Tsawg (Short Input)
 - Teb Rau Daim Phiaj (Bar Graph)
 - Txoj Sab Cov Naj Npawb (Number Line)
 - Daim Phiaj Khaub Lig (Coordinate Graph)
 - Daim Phiaj Cab Txoj Sab (Line Plot)
 - Teev Ua Cov Npe (List)
 - Rug Luag Mus thiab Muab Tso Rau (Drag and Drop)
 - Ua Cov Npe Hlauv Sauv Los (Drop-Down List)

- Daim Phiaj Muaj Duab siv kev Rub Luag Mus thiab Muab Tso Rau (Pictograph using Drag and Paste)
- Daim Phiaj Ua Lub Voj Voog (Circle Graph)
- Sib Dhos Ob Yam Uas Sib Haum (Matching)
- Cov Ntawv Uas Raug Kos Cia Tias Tseem Ceeb (Highlighting Text)

Cov kev pab kom yooj yim thiab kev txhawb nqa rau cov tub ntxhais kawm xiam oob qhab thiab/los sis cov neeg kawm Lus Askiv raug tsim nyob rau hauv lub nrog khiav hauj lwj lawm yog li ntawv qhov kev nce qib ntawm cov tub ntxhais kawm tuaj yeem raug ntsuas tau yam raug kawg nkaus.

Qhov no muaj nuj nqis li cas rau kuv tus me nyuam?

Forward Exam yog ib qho kev ntaus nqi xyuas yam sua yuav kiag lub ntsiab uas ntsuas koj tus me nyuam qhov kev ua tiav nyob rau hauv cov xyuas ntsiab lus uas raug coj los xeeb muab piv rau lwj cov tub ntxhais kawm nyob rau hauv lub lav. Ua ke nrog rau cov kev ntsuas los ntawm cheeb tsam xws li cov npav tshaj qhia, cov kev ntaus nqi thoob plaws tsev kawm ntawv, thiab lwj cov ntaub ntawv txog koj tus me nyuam qhov kev nce qib nyob hauv tsev kawm, cov qhab nia los ntawm Forward Exam yuav muab kev to taub tob txog hais tias koj tus me nyuam kawm ntawv tau zoo npaum li cas raws li qhov kev ntsuas txog txhua fab ntawm kev ua tiav.

Cov sijhawm xeeb ntawv yog li cas?

Lub sijhawm kwv yees tseg rau kev tswj kav qhov kev xeeb ntawv hauv txhua qib kawm yog thaj tsam li:

- 70 feeb rau ELA,
- 80-105 feeb rau lej,
- 90 feeb rau txuj ci tshawb fawb qhov tseeb, thiab
- 70 feeb rau kev kawm paub txog kev ua neej nyob koom txoos.

Cov no yog cov sijhawm kwv yees tseg, rau lub hom phiaj ntawm kev npaj teev sijhawm xwb, vim hais tias **Forward Exam tsis yog ib qho kev xeeb tuav sijhawm (timed test)**.